



# SLUŽBENE NOVINE TUZLANSKOG KANTONA

GODINA 7 • TUZLA, PONEĐELJAK 17. JULA/SRPNJA 2000. GODINE • IZDANJE NA BOSANSKOM I HRVATSKOM JEZIKU • BROJ 10

**219**

Na osnovu člana 24. stava 1. tačka a), a u vezi sa članom 84. Ustava Tuzlanskog kantona ("Službene novine Tuzlansko-podrinjskog kantona", broj: 7/97. i 3/99. i "Službene novine Tuzlanskog kantona", broj: 13/99.) i člana 113. Poslovnika Skupštine Tuzlanskog kantona ("Službene novine Tuzlansko-podrinjskog kantona", broj: 13/97.), Skupština Tuzlanskog kantona, na sjednici od 21. 6. 2000. godine, donosi

## ODLUKU

### o proglašenju Amandmana od VII. - XII. na Ustav Tuzlanskog kantona

I

Proglašavaju se Amandmani od VII. - XII. na Ustav Tuzlanskog kantona koje je Skupština Tuzlanskog kantona usvojila na sjednici održanoj 21. 6. 2000. godine.

II.

Amandmani od VII. - XII. na Ustav Tuzlanskog kantona čine sastavni dio Ustava Tuzlanskog kantona i stupaju na snagu u ponoć 21. 6. 2000. godine.

III.

Amandman VII. na Ustav Tuzlanskog kantona će se primjenjivati nakon provođenja općih izbora i izbora za kantonalne skupštine u 2000. godini.

IV.

Zakon o Vladi Tuzlanskog kantona će se uskladiti sa Amandmanom VIII. u roku od tri mjeseca od stupanja na snagu amandmana.

V.

Ova Odluka bit će objavljena u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj: 01-011-272-5/00  
Tuzla, 21. 6. 2000. godine

Predsjednik  
Skupštine Tuzlanskog  
kantona,  
Dr. Izet Žigić, v.r.

**219**

Na temelju članka 24. stavak 1. točka a), a u svezi s člankom 84. Ustava Tuzlanskog kantona ("Službene novine Tuzlansko-podrinjskog kantona", broj: 7/97. i 3/99. i "Službene novine Tuzlanskog kantona", broj: 13/99.) i članka 113. Poslovnika Sabora Tuzlanskog kantona ("Službene novine Tuzlansko-podrinjskog kantona", broj: 13/97.), Sabor Tuzlanskog kantona, na sjednici od 21. 6. 2000. godine, donosi

## ODLUKU

### o proglašenju Amandmana od VII. - XII. na Ustav Tuzlanskog kantona

I

Proglašavaju se Amandmani od VII. - XII. na Ustav Tuzlanskog kantona koje je Sabor Tuzlanskog kantona usvojio na sjednici održanoj 21. 6. 2000. godine.

II.

Amandmani od VII. - XII. na Ustav Tuzlanskog kantona čine sastavni dio Ustava Tuzlanskog kantona i stupaju na snagu u ponoć 21. 6. 2000. godine.

III.

Amandman VII. na Ustav Tuzlanskog kantona će se primjenjivati nakon provođenja općih izbora i izbora za kantonalne sabore u 2000. godini.

IV.

Zakon o Vladi Tuzlanskog kantona će se uskladiti sa Amandmanom VIII. u roku od tri mjeseca od stupanja na snagu amandmana.

V.

Ova Odluka bit će objavljena u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON  
Sabor  
Broj: 01-011-272-5/00  
Tuzla, 21. 6. 2000. godine

Predsjednik  
Sabora Tuzlanskog  
kantona,  
Dr. Izet Žigić, v.r.

**220**

Na osnovu člana 24. stava 1. tačka a) Ustava Tuzlanskog kantona ("Službene novine Tuzlansko-podrinjskog kantona", broj: 7/97. i 3/99. i "Službene novine Tuzlanskog kantona", broj: 13/99.), Skupština Tuzlanskog kantona je, na sjednici od 21. 6. 2000. godine, usvojila

**AMANDMANE****NA USTAV TUZLANSKOG KANTONA****AMANDMAN VII.**

Član 16. Ustava Tuzlanskog kantona mijenja se i glasi:  
"Skupština Kantona sastoji se od 35 poslanika".

**AMANDMAN VIII.**

Član 34. stav 1. Ustava Tuzlanskog kantona mijenja se i glasi:  
"Vladu Kantona čine predsjednik Vlade i ministri, čiji se broj utvrđuje Zakonom o Vladi Kantona".

**AMANDMAN IX.**

Član 36. stav 1. Ustava Tuzlanskog kantona mijenja se i glasi:  
"Ministre imenuje predsjednik Kantona nakon konsultacije sa predsjednikom Vlade ili kandidatom za funkciju predsjednika Vlade, a imenovanje potvrđuje Skupština Kantona".

Član 36. stav 3. mijenja se i glasi:

"Predsjednik Vlade, ministri, njihovi zamjenici i pomoćnici, sekretar Vlade i sekretari ministarstava ne mogu biti poslanici u Skupštini Kantona".

**AMANDMAN X.**

Član 39. stav 2. Ustava Tuzlanskog kantona mijenja se i glasi:  
"Predsjednik Kantona, na prijedlog predsjednika Vlade, može razriješiti pojedinog ministra".

**AMANDMAN XI.**

Član 43. Ustava Tuzlanskog kantona, briše se.

**AMANDMAN XII.**

Član 46. stav 1. Ustava Tuzlanskog kantona mijenja se i glasi:  
"Predsjednik Kantona, predsjednik Vlade Kantona i ministri ne mogu biti krivično gonjeni, niti odgovorni u građanskom postupku za bilo koju radnju učinjenu u vršenju svoje funkcije".

**220**

Na temelju članka 24. stavak 1. točka a) Ustava Tuzlanskog kantona ("Službene novine Tuzlansko-podrinjskog kantona", broj: 7/97. i 3/99. i "Službene novine Tuzlanskog kantona", broj: 13/99.), Sabor Tuzlanskog kantona je, na sjednici od 21. 6. 2000. godine, usvojio

**AMANDMANE****NA USTAV TUZLANSKOG KANTONA****AMANDMAN VII.**

Članak 16. Ustava Tuzlanskog kantona mijenja se i glasi:  
"Sabor Kantona sastoji se od 35 zastupnika".

**AMANDMAN VIII.**

Članak 34. stavak 1. Ustava Tuzlanskog kantona mijenja se i glasi:  
"Vladu Kantona čine predsjednik Vlade i ministri, čiji se broj utvrđuje Zakonom o Vladi Kantona".

**AMANDMAN IX.**

Članak 36. stavak 1. Ustava Tuzlanskog kantona mijenja se i glasi:

"Ministre imenuje predsjednik Kantona nakon konzultacije s predsjednikom Vlade ili kandidatom za funkciju predsjednika Vlade, a imenovanje potvrđuje Sabor Kantona".

Članak 36. stavak 3. mijenja se i glasi:

"Predsjednik Vlade, ministri, njihovi zamjenici i pomoćnici, tajnik Vlade i tajnici ministarstava ne mogu biti zastupnici u Saboru Kantona".

**AMANDMAN X.**

Članak 39. stavak 2. Ustava Tuzlanskog kantona mijenja se i glasi:  
"Predsjednik Kantona, na prijedlog predsjednika Vlade, može razriješiti pojedinog ministra".

**AMANDMAN XI.**

Članak 43. Ustava Tuzlanskog kantona, briše se.

**AMANDMAN XII.**

Članak 46. stavak 1. Ustava Tuzlanskog kantona mijenja se i glasi:  
"Predsjednik Kantona, predsjednik Vlade Kantona i ministri ne mogu biti kazneno gonjeni, niti odgovorni u građanskom postupku za bilo koju radnju učinjenu u obnašanju svoje funkcije".

**221**

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

**UKAZ****O PROGLAŠENJU ZAKONA O  
TURISTIČKO-UGOSTITELJSKOJ DJELATNOSTI**

Proglašava se Zakon o turističko-ugostiteljskoj djelatnosti, koji je donijela Skupština Tuzlanskog kantona na sjednici od 21. 6. 2000. godine.

Broj: 01/1-02-1145/00  
Tuzla, 03. 07. 2000. godine

Predsjednik  
Tuzlanskog kantona,  
**Dr. Tarik Arapčić, v.r.**

**ZAKON****O TURISTIČKO-UGOSTITELJSKOJ  
DJELATNOSTI****I. OSNOVNE ODREDBE****Član 1.**

Ovim Zakonom uređuje se turistička privreda, način i uslovi rada u turističkoj privredi, kao i turističko-ugostiteljska inspekcija i nadzor na području Tuzlanskog kantona (u daljem tekstu: Kanton).